

元代子部書 三卷

元

代

史料刊  
史叢  
初編

泰山書社

欽察汗國

察

台

汗

國

● 阿里麻里

伊利汗國

哈

和

合

山

印

夏

政

院

署

海

多

度

府

元代子部書 三卷

元  
代  
史料  
叢刊  
初編

黃山書社

召爲校理

葉清字道卿爲簽書平江軍節度判官召還爲集賢校

理

東都  
事略

俱爲判官

唐柳公綽武元衡節度劍南與裴度俱爲判官尤相引

重

王佐才

崔造永泰中與韓會盧東美張正則三人友善居上元

欽定四庫全書

古今事文類聚 一 古今事文類聚外集

好言當世事皆自謂王佐才故號四夔浙西觀察李棲  
楚辟爲判官

舍人樣

徐堅聖歷中東都留守楊再思引爲判官屬文典厚再  
思每日爲鳳閣舍人樣

紗籠中人

張建封字本立鎮徐州奏李藩爲判官有新盧僧能相  
人公令看諸判官有爲相者否僧曰並無公曰某妙擇

賓僚豈無一人促召李判官至僧降階迎謂張公曰判  
官是紗籠中人宰相冥司以紗籠護之恐爲異物所擾  
餘官不然藩後果爲相

原化  
記

### 白身判官

白敏中仕進道塞請謁難行東省數月閉門南臺惟一  
御史令狐楚爲桂府白身判官七八年奏官不下由是  
兩河競辟才雋抱器之士用爲謀主日以恣橫元和已  
來始進用有序

南憲  
新書

欽定四庫全書

古今事文類聚 一 古今事文類聚外集

卞州判佐

狄仁傑授卞州判佐

唐書

文學超邁

推判官各限年任惟文學超邁任不限年

後唐長興詔

才思俊麗

唐令狐楚辟為太原從事自書記至節度判官才思俊

麗德宗好文每太原奏至能知楚之所為

同上

清幹善斷

裴寬以文詞進景雲中潤州刺史韋銑引爲判官清幹  
善於割斷銑重其才

以健吏稱

魏元忠鎮朔方崔日知字子駿與張說同爲判官以健  
吏稱

以儒學名

尹洙字師魯以儒學知名僉書孟州判官

同上

佐治之才

欽定四庫全書

古今事文類聚 一 古今事文類聚外集

韋亶等初擢第即通判諸州代還太宗以兩使判官得  
替者尤鮮故多闕員乃以亶等十五人爲之且令縣歷  
觀其佐治之才也 三朝  
政要

不羈之才

裴度東都留守辟皇甫湜爲判官度脩福先寺將立碑  
求文於白居易湜怒曰近舍湜而遠取居易請從此辭  
度謝之湜請斗酒援筆立就度曰不羈之才也

爲得才多

唐鄭從謹字正求爲河東節度表王調劉崇龜趙崇李  
渥崔澤等爲判官書記支使皆一時選京州士人比太  
原爲小朝廷得才多也

皆一時選

鄭從謹爲河東節度表王調劉崇龜趙崇李渥崔澤等  
爲判官書記支使皆一時選

並唐書

所至風動

爲江西團練判官時公出巡所至風動

柳宗元爲相  
國柳氏行狀

欽定四庫全書

古今事文類聚 一 古今事文類聚外集

盡心其職

公字子瞻僉書鳳翔府判官長吏意公文人不以吏事

責之公盡心其職老吏畏伏

子由撰東坡行狀

盡心細務

明道字伯淳僉書鎮南判官為守者嚴刻多忌先生事

之甚恭筦庫細務無不盡心事小未安必與之辨相與

歡甚屢平反重獄

伊川撰程明道行狀

究心吏事

張九成字子韶僉書鎮東軍判官在僉廳究心吏事胥  
曹建白不能有所欺嘗大書於壁曰此身苟一日之間  
百姓罹無涯之苦

言行錄

悉委王休

王休字子美授南康軍簽判郡素號江東道院朱文公  
熹爲守日課諸生講書公亦相與發明事無巨細悉以

委公

樓攻媿集

欲踈蔡下

欽定四庫全書

古今事文類聚 一 古今事文類聚外集

陳忠肅公瓘字瑩中公爲越州簽判蔡下爲帥待公甚厚而公已得其心術常欲踈遠之屢引疾尋醫章不得上會明倅闕俾公攝權公到明遂伸尋醫之請

言行錄

投檄而去

浙東提刑張宗臣逮婺州平民數十人府官就白宗臣大怒曰此事左相專遣人封來知之否僉書鎮東通判廳公事張九成曰九成但知有聖旨不知有宰相主上大下卹刑之詔惟恐無辜被係公身爲部使者不能上

體聖意而觀望宰相耶聞者莫不快意宗臣大慙九成

投檄而去

中興係  
年錄

拂衣而去

李瓊鎮桂管奏柳璧為觀察判官軍政不愜璧極言不  
納拂衣而去桂府尋亂

民得不擾

劉隨為永康軍判官軍無城堞伐木為柵壞輒易之頗  
困民力隨令環植柳數千萬株以限內外民得不擾

長編

欽定四庫全書

古今事文類聚 一 古今事文類聚外集

祥正能詩

郭祥正字功父其母夢李太白而生祥正少有詩名梅堯臣曰天才如此真太白後身也熙寧中簽書保信軍

節度判官

事略

荆公讀書

韓魏公知揚州王荆公初及第為僉判每讀書至達旦日已高急上府多不及盥漱魏公見荆公少年疑夜飲放逸一日從容謂荆公曰公少年無或廢書不可自棄

荆公不答退而言曰韓公非知我者魏公不知後知荆公之賢欲收之門下荆公終不屈

聞見錄

### 不徇監司

張九成字子韶僉判鎮東軍民冒齟禁事連旁郡府帥屬吏明知無辜莫敢辯析公獨謂使者曰當坐者數人餘皆良民若盡欲追繫苛擾甚矣監司怒形于色辭旨侵公公曰事不可行豈宜苟徇即投檄而歸

張九成事迹

### 論伐安南

欽定四庫全書

古今事文類聚 一 古今事文類聚外集

朱光庭字公掞范純仁帥慶州辟為僉書判官神宗召見問欲再舉安南之師光庭對曰願陛下禽獸畜之蓋夷狄得其地不可居得其民不可使得已且已須要廣

土闢地何

東都事略

夷稱吾父

初西南夷市馬入官苦吏誅求劉隨繩按之及隨罷夷人數百訴于轉運使稱吾父何在事聞乃得調同上

盜活有冤

趙忠獻王普爲滁州判官太祖與語竒之會獲盜數百將就死普意其有冤啟太祖更訊之所全活十七八

言行錄

### 焚王均移書

陳從易字簡夫調彭州軍事判官王均反從易攝州事有謀殺監兵欲從亂者從易推其首斬之均移書至州

從易即命焚之

東都事略

### 責美人教旨

龐莊敏爲開封判官尚美人方有寵遣宦者稱教旨免